

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
GRAD SARAJEVO  
OPĆINA NOVI GRAD SARAJEVO  
OPĆINSKI NAČELNIK

Broj: 02/12-23-12555/19  
Sarajevo, 14.08.2019.godine

Na temelju člana 64. stav (1) tačka b) najniža cijena, člana 25. i člana 70. stav (1), (3) i (6), člana 123. stav (1) i (2) Zakona o javnim nabavkama ("Službeni glasnik BiH", broj 39/14), a u skladu sa članom 3. stav (3) Pravilnika o uslovima i načinu korištenja E-aukcije i člana 14. Pravilnika o nabavci roba, vršenju usluga i ustupanju radova broj 09-05-26263/15 od 27.11.2015.godine godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.05.2018.godine, a na preporuku Komisije za javnu nabavku radova Općinski načelnik, d o n o s i :

## **O D L U K U**

### **o izboru najpovoljnijeg ponuđača u predmetu - Izvođenje radova na izgradnji separatne kanalizacione mreže i asfaltiranje u dijelu ulice Smajila Šikala (spoj sa ulicom Adema Buće)**

#### **I**

Prihvata se preporuka Komisije za javnu nabavku radova i ugovor za javnu nabavku u predmetu - Izvođenje radova na izgradnji separatne kanalizacione mreže i asfaltiranje u dijelu ulice Smajila Šikala (spoj sa ulicom Adema Buće), broj obavještenja 422-1-3-148-3-65/19 objavljen u Službenom glasniku br. 41/19 dana 14.06.2019.godine i na Portalu javnih nabavki Agencije za javne nabavke BiH dana 07.06.2019.godine, dodjeljuje se ponuđaču: MIBRAL doo Sarajevo, sa ponuđenom cijenom za ugovor u iznosu od 1.006.513,24 KM sa uračunatim PDV-om.

#### **II**

Otvaranje i analizu ponuda provela je Komisija za javnu nabavku radova (u daljem tekstu: Komisija), u skladu sa odredbama Zakona o javnim nabavkama. Zapisnik sa otvaranja ponuda i Zapisnik o pregledu i ocjeni ponuda Komisije i preporuka za dodjelu ugovora u predmetu.

#### **III**

Zadužuje se Služba za zajedničke poslove, da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama, te nakon isteka žalbenog roka pripremi ugovor i dostavi Općinskom načelniku na potpis.

#### **IV**

Obavezuje se ponuđač iz člana I ove Odluke da u roku od 5 (pet) dana od zaprimanja iste, dostavi dokumente navedene u podtački 3.1.3. tenderske dokumentacije, a u skladu sa članom 45. stav 2. tačka od a) do d) Zakona. Dokazi koje će dostaviti odabrani ponuđač po članu 45. stav 2. Zakona tačka od a) do d) Zakona moraju biti originalni ili ovjerene kopije i ne mogu biti stariji od 3 mjeseca, računajući od momenta predaje ponude.

Konstatuje se da je navedeni ponuđač dostavio dokaze iz podtačke 3.3.1. tenderske dokumentacije koji se odnose na ekonomsku i finansijsku sposobnost, te se oslobađa naknadnog dostavljanja istih.

## ***Obrazloženje***

Postupak javne nabavke pokrenut je Odlukom o pokretanju postupka javne nabavke u predmetu - Izvođenje radova na izgradnji separatne kanalizacione mreže i asfaltiranje u dijelu ulice Smajila Šikala (spoj sa ulicom Adema Buće) br. 02/12-23-12555/19 od 30.06.2019.godine. Javna nabavka provedena je putem otvorenog postupka za dostavu ponuda br. obavještenja 422-1-3-148-3-65/19 objavljen u Službenom glasniku

br. 41/19 dana 14.06.2019.godine i na Portalu javnih nabavki Agencije za javne nabavke BiH dana 07.06.2019.godine.

Zapisnikom sa otvaranja ponuda od 01.07.2019.godine Komisija je utvrdila da su u ostavljenom krajnjem roku za otvaranje ponuda, blagovremeno i propisno upakovane dostavljene dvije (2) ponude i to od sljedećih ponuđača: HARYSCO doo Sarajevo i MIBRAL doo Sarajevo. Zapisnik sa otvaranja ponuda dostavljen ponuđačima na fax. Nakon što je Komisija utvrdila da su pristigle dvije (2) ponude, pristupila je analizi i procjeni dokumentacije, kojom ponuđači trebaju dokazati svoje kvalifikacije za učešće u ovom postupku.

Komisija je usporedbom dostavljenih ponuda i tenderske dokumentacije utvrdila da ponuda ponuđača: HARYSCO doo Sarajevo, ne ispunjava kvalifikacione uslove date u obavještenju o nabavci i tenderskoj dokumentaciji. Komisija je utvrdila da je ponuđač HARYSCO doo Sarajevo propustio da

- na stranici ponude 8 - Aneksa 3. tenderske dokumentacije na stavki "2.7. Iskop materijala III i IV kategorije, za izvođenje priključka.....stav POTEZI PK 12-K28/12-F28- mašinski iskop 80%", ponuđač nije upisao jediničnu cijenu za navedenu poziciju.
- na stranici ponude 8 - Aneksa 3. tenderske dokumentacije na stavki "2.7. Iskop materijala III i IV kategorije, za izvođenje priključka.....stav POTEZI PK 12-K28/12-F28- ručni iskop 20%". ponuđač nije upisao jediničnu cijenu za navedenu poziciju.

Komisija je utvrdila da je ponuđač HARYSCO doo Sarajevo propustio popuniti obrazac za cijenu (Aneks 3) u skladu sa postavljenim zahtjevima za sve stavke koje su navedene, te je na taj način postupio suprotno odredbama tačke 4.4. Cijena ponude.

Podtačkom 3.4. Tehnička i profesionalna sposobnost; stav d) i podtačka 4.2. Sadržaj ponude stav 12) je traženo da ponuđač ispunji minimalan uslov o obezbjeđenosti opreme za obavljanje predmetnih radova, tačnije da priloži dokaz o posjedovanju 3 komada kamiona nosivosti od 8t do 10t. Kao dokaz traženo je da se dostave saobraćajne dozvole. Uvidom u Ugovor broj 01-255/19 od 28.06.2019.godine koji se odnosi na najam kamiona, ponuđač je uz isti dostavio i potvrdu o registraciji AA 2517239, za teretno vozilo registarskih oznaka K95-O-934. Uvidom u potvrdu o registraciji, utvrđeno je da ovaj kamion ima nosivost od 13,980 t. Samim tim, ponuđač nije ispunio uslov tražen podtačkama 3.4. Tehnička i profesionalna sposobnost podtačka d) i 4.2. Sadržaj ponude; podtačka 12. tenderske dokumentacije,

Na osnovu navedenog, istoimena ponuda je odbacena i nije bila predmet dalje analize i vrednovanja.

Uvidom u preostalu ponudu: MIBRAL doo Sarajevo, Komisija je utvrdila da sve ispunjavaju formalno-pravne i kvalifikacione uslove navedene u tenderskoj dokumentaciji.

Komisija je izvršila računsku kontrolu i utvrdila da je ova ponuda i računski ispravna, ali je utvrđeno je da je ova ponuda u iznosu od 106.513,24 KM veća od iznosa određenog u Odluci o pokretanju postupka javne nabavke (bez PDV-a procijenjena vrijednost nabavke iz Odluke iznosi 769.230,77 KM i sa uračunatim PDV-om iznosi 900.000,00 KM). Komisija je od Službe za finansije zatražila potrebni dodatni iznos. Aktom broj 02/12-23-12555/19- M 5 od 02.08.2018. godine, Služba za finansije je dala saglasnost na traženi dodatni iznos od 106.513,24 KM, te je na osnovu te saglasnosti Komisija nastavila sa procedurom javne nabavke.

Nakon što je Komisija utvrdila da je ostala jedna prihvatljiva ponuda, a da je za ovaj postupak bilo predviđeno provođenje e aukcije, u skladu sa članom 3. Pravilnika o uslovima i načinu korištenja e-aukcije stav (3), odlučeno je da se ovaj postupak okonča u skladu sa članom 69. tačka 1. stav a) Zakona.

Uzevši u obzir da je Komisija u cijelosti pravilno postupila i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji i primjenom člana 3. stav (3) Pravilnika o uslovima i načinu korištenja E-aukcije u cjelosti se prihvata Zapisnik o pregledu i ocjeni ponuda Komisije i preporuka za dodjelu ugovora. Na osnovu gore navedenog, odlučeno je kao u dispozitivu Odluke.

#### **Pouka o pravnom lijeku**

Ponuđač koji je sudjelovao u postupku nadmetanja može radi zaštite svojih prava i pravnih interesa, u roku od 10 dana od prijema pismene obavijesti (Odluke) o izboru najpovoljnijeg ponuđača, izjaviti žalbu ugovornom organu u dovoljnom broju primjeraka.

Obradila, *Enisa Babić, dipl.pravnik*

Dostaviti:

1. Ponuđaču- učesniku postupka
2. Služba za zajedničke poslove
3. A r h i v i / u spis



Općinski načelnik  
mr. Semir Efendić

*Semir Efendić*